



TODOS PODEMOS SER CHISPA

Con esta actividade pretendemos...

Estimular a cooperación e o traballo en equipo.
Valorar a importancia de pensar nas necesidades dos demais.
Traballar a expresividade, as habilidades de comunicación e a creatividade.

Necesitaremos

Frases da adaptación ao teatro do conto "O soño de Chispa".
Materiais para elaborar disfraces.

Consideracións previas para o profesorado

Esta é unha actividade para realizar a longo prazo, pensando, por exemplo, na festa de final de curso.

A adaptación teatral permitirá traballar máis en profundidade os valores do conto: sinxeleza, gratuidade, xenerosidade, solidariedade e axudar aos demais.

De cando en vez, dedicar un tempo para afianzar o contido do conto e os valores que recolle, baseándonos na frase final que repiten todos ao unísono: "Aínda que Chispa era un xirasol cumpriu o seu soño e viaxou, porque soubo escoitar, ser ela mesma e axudar".

1ª Fase: preparamos a representación

Repartir as frases entre toda a clase, de maneira que todos e todas na clase poidan dicir polo menos unha frase ou un fragmento dunha. As frases coloreadas, en azul para Chispa e en verde para Fito, serán interpretadas polos nenos e as nenas e o papel do narrador pola profesora.

Establecer sesións de ensaio diarias. Realizaranse durante o tempo necesario para que os nenos e as nenas comprendan e memoricen as frases que lles correspondan.

Mentres, os nenos e as nenas utilizarán a súa creatividade para realizar o decorado (por exemplo, un campo de xirasoles) e para colorear cartolinas segundo o personaxe que lles corresponda, Chispa ou Fito.

A frase final entoarana os nenos e as nenas ao unísono.

2ª Fase: arriba o pano!

Representar a obra na primeira ocasión dispoñible.

- Chámome Chispa e son moi feliz, aínda que viaxar non podo porque teño raíz.
- Pero uso a maxia da miña imaxinación, e percorro o mundo enteiro sen moverme do salón.
- Sempre me din que son moi solidaria, e que me acordo dos que non teñen nada.
- Voamos desde moi lonxe para buscar alimento.
- Como estaba moi canso, as miñas ás pararon.
- Ai, ai! Que susto teño levado!
- Tranquilo pequeno, eu estou ao teu lado.
- Estás ben? Como te chamas?
- Son Fito e dóeme moito o á.
- Ti quen es? Onde vin a parar?
- Chámome Chispa e en Arco da vella estás.
- O sono collín ao cansarme e, caín sen decatarme
- Eu coidareite Fitiño e non te sentirás soño.
- Pasarás aquí o verán, ata que te poñas san.
- Coas miñas pipas alimentareite e coas miñas follas abrigareite.
- O verán acabará e a buscarme volverán.
- Dáme moita magoa termos que separar.
- Non esteas triste amiga Chispa, porque algo máxico vai pasar.
- As túas pipas levarei e sementarei nos lugares que soñaches coñecer.
- Neles novos xirasoles nacerán e sempre a túa solidariedade lembrarán.

O SOÑO DE CHISPA

ESCENA 1: A PRESENTACIÓN DE CHISPA

NARRADOR/A: *Érase unha vez unha aldeíña chamada Arco da vella, coas súas casiñas de pedra e o seu precioso campo de xirasoles.

Entre todos había un que destacaba pola súa solidariedade. O seu nome era Chispa.

- Chámome Chispa e gústame moito ler.
- Gustaríame viaxar e coñecer moitos lugares.
- Pero non podo moverme porque son unha planta.
- Así que viaxo coa maxia da miña imaxinación.

ESCENA 2: A FESTA DAS FLORES

NARRADOR/A: Ese día comezaba o verán e celebrábase a Festa das Flores. Todos os xirasoles peiteábanse os seus pétalos e ensaiaban para o gran baile.

- Bailo con coidado para que non se me caian as pipas.
- Porque as miñas pipas poden servir de alimento para outros.
- Eu sempre penso nos que non teñen para comer.

ESCENA 3 : O ENCONTRO CON FITO

NARRADOR/A: Cando se fixo de noite e a festa rematou, un grupo de ocas, que viñan desde moi lonxe, pasaron voando por Arco da vella. Entre as aves estaba Fito.

- Voamos desde moi lonxe desde hai moito tempo.
- Estou moi canso e teño moito soño.

NARRADOR/A: Sen darse conta, Fito durmiuse mentres voaba, e aos poucos foi caendo. De súpeto, boooooommm! Chocou contra as ramas dunha árbore e caeu á beira de Chispa.

- Ai ai! Que dano me fixen!
- Tranquilo pequeno, Estás ben? Dóече algo?
- Dóeme moito o á, Onde estou?, Quen es ti?
- Chámome Chispa e estás nun pobo chamado Arco da vella.
- Quedeime durmido e caín.
- As demais ocas non se deron conta.
- Teño que seguir a miña viaxe, pero dóeme moito.

NARRADOR/A: Fito rompeuse un á e non podía continuar a súa viaxe.

- Tes o á rota. Non poderás seguir a túa viaxe.
- Pero non estarás soño, eu cuidarei de ti.
- E alimentareite coas miñas pipas.

ESCENA 4: O DESPEDIDA

NARRADOR/A: Fito pasou en Arco da vella todo o verán. Falaban moito. A Chispa encantáballe escoitar a Fito, el viaxara por todo o mundo e contáballe todas as cousas bonitas que coñecera. Aos poucos foise recuperando.

- O verán xa está a terminar e pronto volverán as ocas.
- Alégrame que estas coas túas amigas, pero darame pena separarme de ti.
- Non estas triste amiga Chispa, porque algo máxico vai pasar.

NARRADOR/A: A Fito ocorráselle unha idea para que ela cumprise o seu soño de coñecer outros lugares Sería unha gran sorpresa para Chispa!

- As túas pipas levarei e sementarei nos lugares que soñaches coñecer.
- Neles nacerán novos xirasoles e sempre lembrarán a túa solidariedade.

NARRADOR/A: Chispa estaba feliz, fora solidaria, ofreceu a súa axuda a quen o necesitou e sempre pensou nos demais antes que nela, por iso, chegou o día en que o seu soño cumpriuse.

NARRADOR/A: Aínda que Chispa era un xirasol cumpriu o seu soño e viaxou...

TODOS/AS: ... porque soubo escoitar, ser ela mesma e axudar.